



Broj: 12/08-27-11323-6/18
Zenica, 13.08.2018.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-27-11323-5/18, od 10.08.2018. godine, u otvorenom postupku javne nabavke za radove broj: 1417-1-3-14-3-18/18 od 12.07.2018. godine, direktor Kantonalne direkcije za ceste Zeničko-dobojskog kantona, donosi:

ODLUKU
o izboru najpovoljnijeg ponuđača

I

U otvorenom postupku javne nabavke radova za **LOT 1 – Radovi na trajnoj sanaciji klizišta na regionalnoj cesti R 444 dionica Podlugovi-Breza-Vareš, lokalitet Vrankamen** broj: 1417-1-3-14-3-18/18 od 12.07.2018. godine, ponuda ponuđača "POROBIĆ" d.o.o Zavidovići (broj: 01-08/18 od 01.08.2018. godine) sa ukupno ponuđenom cijenom od 59.800,00 KM bez PDV-a izabrana je kao najpovoljnija.

II

Ponuđač "POROBIĆ" d.o.o Zavidovići (ID broj: 4218228760005), adresa Radnička bb, Zavidovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ponuda grupe ponuđača "NAHONAL-GAS" d.o.o. Breza i Javno komunalno preduzeće d.o.o. Vareš se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedno sa zapisnikom o ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-27-11323/18 od 11.07.2018. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-14-3-18/18 objavljeno je na Portalu javnih nabavki 12.07.2018. godine.

Komisija za javne nabavke imenovana rješenjem broj: 12/08-27-11323-2/18 od 02.08.2018. godine,

ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je ukupno 5 (pet) ponuda.

U periodu od 03.08.2018. godine do 10.08.2018. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Ponuda grupe ponuđača ““NAHONAL-GAS” d.o.o. Breza i Javno komunalno preduzeće d.o.o. Vareš dostavljena za LOT-1 se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Uvidom u Izjavu o ispunjenosti uslova iz člana 47.st.(1) tačke od a) do d) i (4) Zakona o javnim nabavkama BiH – Prilog IV i Izjavu o ispunjenosti uslova iz člana 51. tačka a) i b) Zakona o javnim nabavkama BiH – Prilog V, utvrđeno je da iste nisu sačinjene u skladu sa tačkom 12.5.2. i tačkom 12.7.c) tenderske dokumentacije, gdje je navedeno da se Izjave dostavljaju u originalu ili ovjerenoj kopiji koju ovjerava ponuđač, a koja ne može biti starija od 30 dana računajući od momenta predaje ponude. Na gore navedenim izjavama nije napisan datum davanja izjave, pa Ugovorni organ ne može sa sigurnošću utvrditi datum davanja izjava i da li su izjave starije ili mlađe od 30 dana, računajući od momenta predaje ponude.

Član grupe ponuđača Javno komunalno preduzeće d.o.o. Vareš nije dostavio Rješenje o upisu u sudski registar u skladu sa zahtjevom postavljenim u tenderskoj dokumentaciji. Uvidom u dostavljeno Rješenje o upisu u sudski registar sa svim izmjenama utvrđeno je da je Rješenje o registraciji izdato 2.6.2009. godine, Rješenje o izmjenama podataka izdato 21.3.2012. godine i Rješenje o izmjenama podataka od 18.1.2017. godine, dakle sve je starije od 90 dana računajući od momenta predaje ponude. Shodno tački 14 tenderske dokumentacije, svaki član grupe ponuđača je uz zajedničku ponudu dužan dostaviti Rješenje o upisu u sudski registar sa svim izmjenama ili Aktuelni izvod iz sudskog registra kojim su obuhvaćene sve izmjene u sudskom registru (tačka 12.4.1. tenderske dokumentacije). Traženi dokumenti se dostavljaju u originalu ili ovjerenoj kopiji, a ne mogu biti stariji od 90 dana računajući od momenta predaje ponude.

Dostavljene potvrde naručioca o uspješno izvedenim poslovima nisu u skladu sa zahtjevom postavljenim u tenderskoj dokumentaciji, gdje je traženo da je ponuđač imao uspješno iskustvo na sanaciji klizišta, sanaciji trupa ceste i izgradnji potpornih zidova minimalne vrijednosti 80.000,00 KM. Uz ponudu je dostavljena “Potvrda o uredno izvršenom ugovoru” broj: 02/1-2-14-819/18, od 27.03.2018. godine koju je izdala Općina Breza. Pomenutom Potvrdom se potvrđuje da je ponuđač “NAHONAL-GAS” d.o.o. Breza uspješno izveo radove Rekonstrukcije lokalnih puteva u naselju Župča, općina Breza, što nije u skladu sa tačkom 12.7, a) tenderske dokumentacije. Slijedeća Potvrda o uspješno izvršenim radovima je Potvrda, broj: 02/3-4068/18, koju je izdala Općina Vareš, kojom se potvrđuje da je Javno komunalno preduzeće d.o.o. Vareš uspješno izvodilo radove na Hitnoj intervenciji i sanaciji šteta uzrokovanih poplavama na kolektoru Bukov potok i sanacija korita rijeke Stavnje, a što nije u skladu sa tačkom 12.7, a) tenderske dokumentacije. Ostale dvije stavke iz Potvrde nisu poslovi na sanaciji klizišta, sanaciji trupa ceste i izgradnji potpornih zidova i ne ispunjavaju ni minimalne vrijednosti izvršenih radova.

Zbog navedenog ponuda grupe ponuđača “NAHONAL-GAS” d.o.o. Breza i Javno komunalno preduzeće d.o.o. Vareš dostavljena za LOT-1 se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponude ponuđača „DOBOJPUTEVI“ d.d. Doboj Jug, “TERMO-BETON” d.o.o. Breza, “POROBIĆ” d.o.o. Zavidovići i grupe ponuđača „MGV GRADNJA“ d.o.o Zavidovići i „GRADNJA 1“ d.o.o Tešanj ispunjavaju postavljene uslove, te je za 10.08.2018. godine zakazano provođenje e-aukcije sa početkom u 10:00 sati. E-aukcija je uspješno okončana te je formirana konačna rang lista ponuđača prema izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a nakon sprovedene e-aukcije:
1.	POROBIĆ” d.o.o. Zavidovići	59.800,00 KM
2.	„DOBOJPUTEVI“ d.d. Doboj Jug	60.919,00 KM
3.	“TERMO-BETON” d.o.o. Breza	70.919,00 KM
4.	MGV GRADNJA d.o.o Zavidovići GRADNJA 1 d.o.o Tešanj	71.900,00 KM

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača "POROBIC" d.o.o Zavidovići. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli Ugovor za LOT 1 – Radovi na trajnoj sanaciji klizišta na regionalnoj cesti R 444 dionica Podlugovi-Breza-Vareš, lokalitet Vrankamen. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Ponuđačima,
1 x a/a



